

Imm. 3.2 Teknikkeqarnermut Avatangiisinullu ataatsimiititaliamut februaarimut aningaasaqarnermut nalunaarusiaq – Ingerlatsinermit sanaartornermilu suliat

Journalnr. 06.01.02

04-03-2024 tikillugu naatsorsuutinit ikkussisoqarsinnaalluni atuiffilersuinertalimmik 2024-mi februaarimut aningaasaqarnikkut nalunaarusiaq naatsorsugaavoq. Sanaartornermut anigaasaliissutinit 2023-mit 2024-mut nuutsineq suli naammassineqanngilaq taamaattumillu nalunaarusiami matumani sanaatornermut aningaasartuutit ilanngunneqanngillat.

Ingerlatsinermit kisitsit pingaarnerit

Teknikkeqarnermut Avatangiisinullu immikkoortortami ingerlatsinermit immikkoortoq 68 procentinik aningaasanngorlugu 3,6 mio. koruuninik atuinermit takutitsivoq. Eqitsimmi atuiffik 562040700 kiisalu 563030700 eqqaavilerineq ilanngunneqanngillat, missingersuutit eqqortumik takutitsinngimmata, kvartalit siulliannut isertitat suli naatsorsuutinit ikkunneqanngimmata.

Ingerlatsinermit immikkoortumut akiligassiissutinit akilerneqanngitsunik 2,4 mio. koruuninik naleqartunik peqarpoq, akiligassiissutillu akilerneqanngitsut ilanngunneqarpata ukiup siulianituulli atuinermit procenti annertussuseqassaaq.

Level1	ATD Forrige År	ATD Sidste År	ATD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget	Prognose for Året	Prognose for Årets Merforbrug
⊖ Teknik Udvalg	3,844,784	5,056,817	3,668,837	11.35 %	68.12 %	34,444,798	-2,129,000		32,315,798	28,646,961	22,013,023	-10,302,775
⊖ Brandvæsen	628,485	965,928	692,208	15.12 %	90.74 %	4,577,081			4,577,081	3,884,873	4,153,248	-423,833
⊖ Planafdelingen	15,118	257,169	34,130	5.98 %	35.87 %	570,877			570,877	536,747	204,780	-366,097
⊖ Teknik Maniitsoq	2,051,734	2,486,229	1,458,051	13.38 %	80.29 %	10,895,701			10,895,701	9,437,650	8,748,305	-2,147,396
⊖ Teknik Sisimiut	1,149,446	1,347,490	1,484,448	9.12 %	54.74 %	18,401,139	-2,129,000		16,272,139	14,787,691	8,906,690	-7,365,449
Total	3,844,784	5,056,817	3,668,837	11.35 %	68.12 %	34,444,798	-2,129,000		32,315,798	28,646,961	22,013,023	-10,302,775

Akissarsianut aningaasartuutit:

Akissarsianut aningaasartuutit atuinermit procentimik 78,18 procentimik takutitsivoq. Atuinermit procentip appasinneranut patsisaavoq, februaarimut qaammammusalinnut akissarsiat suli naatsorsuutinit ikkunneqannginnerat.

Sisimiuni Tekniskimi akunnermusialinnut akissarsianut tunngatillugu nikingassut sisorartarfimmi, aputaajaasarnemi kuuffissuarnillu ingerlatsinerup iluani ukiup ingerlanerani piffissap ilaanut qaangiuttoornermusianik tunniussinermit patsiseqarpoq.

Level1	ATD Forrige År	ATD Sidste År	ATD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget	Prognose for Året	Prognose for Årets Merforbrug
⊖ Teknik Udvalg	6,859,128	6,972,940	5,582,376	13.03 %	78.18 %	40,712,038	2,129,000		42,841,038	37,258,662	33,494,255	-9,346,783
⊖ Brandvæsen	1,125,393	1,159,350	737,480	10.85 %	65.13 %	6,794,051			6,794,051	6,056,571	4,424,881	-2,369,170
⊖ Teknik Maniitsoq	2,033,083	1,928,503	1,587,811	12.07 %	72.42 %	13,155,607			13,155,607	11,567,796	9,526,867	-3,628,740
⊖ Teknik Sisimiut	3,700,652	3,885,087	3,257,084	14.23 %	85.37 %	20,762,380	2,129,000		22,891,380	19,634,296	19,542,506	-3,348,874
Total	6,859,128	6,972,940	5,582,376	13.03 %	78.18 %	40,712,038	2,129,000		42,841,038	37,258,662	33,494,255	-9,346,783

Sanaartornermik ingerlatsinerit

Sanaartornermut missingersuutaasunit 04-03-2024-mi 6,9 mio. koruuninik atuisoqarnikuuvoq.

Sisimiunut tunngatillugu 2024-mi februaarimi sanaartornermik atortulersuutinullu suliat angisuut killiffii tassaapput:

Sarfannugani illu tamatigoortoq, atortussat tamarmik Sarfannuganut assartorneqareerput, sanaartukkamillu inaarsaaneq aallartinneqarpoq.

Akiani kommunip pilersaarusiortifigineqarnerani tapiliussap 39-p kuuffissuarnut, imermut, innaallagissamut aqqutinut kiisalu aqqusinermi qullersuarnut atatillugu sanaartorfissagissarneqarnera naammassivoq.

Aqquuserngup nunallu naammassiniarnera ukiuunerani unikkallarpoq, aasamut suliarineqassaaq.

Ilinniartut ineqarfianni ungasianit kiassarnermik pilersitsivigineqarluni Nukissiorfinnit

sanaartorfissagissaasoqarpoq. Ungasianit kiassarnermut aqqutit matuneqarpata aqqusinermi qullilersuisoqassaaq.

Kunuuteralap Aqq. & Jaakunnguup Aqq. aamma Ukaliliup kangiitungaani kuuffissuit nutaat ukiuunerani uninngagallarput aasamullu inaarsarneqassallutik. Jaakunnguup Aqq.-taani maqitsiviit maqitsissutillu

naammassipput sarfamillu atuinermut uuttuutip illuarartassaa napparneqarluni, aasamullu kuuffissuit sinnerinik pilersitsinikkut naammassineqassalluni.

Qivittoqarfik aamma Mikkup Aqq. naammassineqarput, nunamik suliaqarnerit aasamut inaarsarneqassapput.

Kangerlussuarmi utoqqarnut inissianut marlunnut immikkoortut aappaanni ilui suliarineqaleruttorput, upernaamullu iserterfigineqarsinnaalernissaat naatsorsuutigineqarpoq.

Kommunip Illorput 2100-ni ineqarfiini Ini aqqutigalugu uffarfiit natii taarsersorneqarput.

ATV-nut aqqut Sisimiuniit imeqarfiup killeqarfia aqqusaarlugu Kangerluarsuk tullermut immikkoortoq 2-mi 8 km-inik tikinneqarpoq ukiuuneranilu uninngagallaruni, suliaasaq marsimut/apriilimut

aallarteqqinneqarsinnaanissaa naatsorsuutigineqarpoq.

Sisimiut - Kangerlussuaq aqqusinermik sioraasumik pilersaarusiorteq, pilersaarutit siunnersuut

ingerlanneqarpoq. Nunap assinganik atortunik pitsanngorsaanissamut dronellu atorlugit Geoteknik-imik misissueqqaarnermut naatsorsuinerit naammassineqarput nalunaarusiortoqarlutillu.

Kulturikkut illorsuaq Nipilersornermik ilinniartimmik aamma Atuakkanik atorniartarfilerlugu allineqarnera naammassivoq, 2023-milu aggustip naanerani atorneqalereerluni. Aqquuserngup appakaaffissaaq asfalterlugu

aammalu toqqavimmik kusasaanissaaq upernaamut aput aappat naammassineqassaaq.

Ilinniartut ineqarfikuanni /Misip allaffiani B-904-mi meeqqanut inuusuttunullu ulloq unnuarlu

paaqqinnittarfik sulariumannittussarsiuunneqarnikuuvoq aammalu 29.2.2024-mi Kommunalbestyrelsimit

akuersissutigineqassalluni. MISI Sisikumut nuunnikuuvoq aammalu aningaasaqarneq politikikkut

akuersineqariarpat isumaqatigiisummik atsiortoqareernerata kingorna illumik pioreersumik ingutserinermik entreprenøri aallartissaaq.

Kommunip pilersaarusiortifigineqarnerani tapiliussaaq nr. 50-imi Nalunnguarfiup kujataani inissiaqarfissamut nutaamut sanaartorfissagissaanermut siunnersorti siunnersuutitut atugassamik suliaqarnermini

kinguaattooqqavoq.

Sisimiuni arsaattarfik, siunnersortinut isumaqatigiisummik isumaqatigiittoqareerpoq.

Akiani majuartaateqarfik, misissueqqaarnermik aallartitsisoqarpoq sanaartornissamullu pilersaarut suliarineqarluni.

Maniitsumi 2024-mi februaarimi sanaartukkanut atortulersuutinullu annertunerusunut tullinnguuttunut killiffik:

Ungusivimmi sanaartorfissagissaanermik immikkoortoq 1 naammassineqarput, aqquuserngup ingerlaarfiata naggataa illoqarfimmik tullissaanik asfalterinermut atatillugu 2025-mi asfalterneqassaaq.

Immikkoortumi inuussutissarsiorfeqarfimmi sanaartorfissagissaaneq (Immikkoortumi

inuussutissarsiorfeqarfimmut aqqut Atortulersuutit ilanngullugit) suliniutigineqarpoq, suliamulli

missiliteqarfiusut missingersuutinit qaffasinnerujussuupput.

Sarfat tungaanut aqqutip affaata sinnera naammassivoq, ukiuunerani uninngatikallarneqarpoq aasamullu naammassineqassalluni.

Unnuartuup ataatungaani Pelikaat eqqaanni kuuffissuarmik nutaamik pilersitsineq ingerlanneqarpoq, nunamik suliaqarnerit sinneri ukiuunerani uninngapput.

Immikkoortoq 3-mik 4-millu kuuffissualersuinissamik pilersaarut suliarineqarpoq aammalu 2024-mi upernaakkut neqeroortigineqarsinnaanissaa naatsorsuutigineqarluni.

Kangaamiuni atuarfiup iluarsartuuneqarneranik neqeroortitsineq nutarsarneqarpoq, januaarimilu entreprenørnit allamik qinigassalerlutik neqerooruteqarsinnaalersillugit suliariumannittussarsiuunneqaqqissalluni.

Kilaaseeraq Atuarfianik nutarsaaneq alliliinerlu, suliniummut siunnersuut tiginikuuarput qaammatillu tulliani ataatsimiititalianut saqqummiunneqassaaq suliniummilu neqeroortitsinissaq aallartinneqassalluni.

Ukiami immikkut uuttuinerit ingerlanneqartunut tunngatillugu DGE-mit nalunaarusiaq sulii utaqqivarput. Atammimmi inuusuttunut inissiat pingasut entreprenørimit suliarineqarput, inissiat iluini sulineq ingerlalluni.

Bussinut inissiisarfiisaaq naammassillugu pilersaarusiorneqareerpoq sanaartortunillu neqeroortitsisoqareerluni. Entreprenørinit neqerooruteqartoqanngilaq. Nutaamik neqeroortitsisoqarnissaanik soqutiginnittoqartillugu piffissaasinnaasut pillugit entreprenørinik isumaqatiginninniartoqaqqissaaq.

Sumiiffinni marluusuni, illuutit nutarterneqarnissaannut, sunngiffimmi silami sammisassaqtitsinermut, aalisartut piniartullu atugaannik pitsanngorsaanissamut kiisalu avatangiisinik pitsanngorsaanissamut sulinissamut aningaasat atugassiissutit atorlugit ingerlaavartumik sanaartornermik suliat ingerlanneqarput.

Innersuussut

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut innersuussutigaa:

Teknikkeqarnermut, Pilersuinermit Sanaartornermullu 2024-mi februaarimut qaammammut nalunaarusiaq akuersissutigineqassasoq.

Aalajangiineq

Akuerineqarpoq

Imm. 4.1 Qeqqata Kommuniani eqqakkanut maleruagqusassatut nutaatut siunnersuut

Journalnr.

Tunuliaqutaq

Qeqqata Kommuniata eqqakkanut maleruagqusaa 1996-imeersuvoq, Sisimiut Kommuneanut Maniitsullu Kommuneanut atuuttuunikullutik. Tamanna tunngavigalugu allaffeqarfimmit eqqakkanut maleruagqusaq nutarterneqassasoq innersuussutigineqarpoq, taamaalillutik Namminersorlutik Oqartussat Eqqakkanut nalunaarutaanut naapertuutilissallutik, tamatumalu kingorna kommunimi illoqutigiiit suliffeqarfiilluunniit eqqagassataannut katersisarnermut aammalu innersuussinissamut aaqqiissutinut nassuiaasunik maleruassamik maleruassanilluunniit kommunalbestyrelsi suliaqassalluni. Taamaalillutik eqqakkat ESANI-p nuna tamakkerlugu eqqagassanut aaqqiissutissaannut naapertuuttumik passunneqarnissaannut qulakkeerinneqataassallutik.

Maleruagassatigut tunngavissaq

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersoq.
- Sisimiut Kommuneani eqqakkanik eqqaasarneq pillugu eqqagassalerinermut maleruagqusaq 1, 6. februar 1996-meersoq.
- Sisimiuni, Sarfanguani Itillimilu eqqagassalerinermut malittarisassiat 3, 6. februar 1996-meersut.
- Eqqaanermut maleruagqusaq 4. Sisimiut Kommuneani uuliakunik akuutissanillu eqqakkat peernissaannut maleruagqusaq, 6. februar 1996-meersoq.
- Maniitsup kommuneata eqqaavissuini malittarisassat, 26. marts 1998-meersoq.

Pissutsit atuuttut

Eqqakkat pillugit maleruagqusat nutaat marluk suliarineqarput: aappaa inunnut ataasiakkaanut aappaalu suliffeqarfinnut. Maleruagassat nutaat inunnut ataasiakkaanut suliffeqarfinnullu assigiimmik piumasaqaateqartarnermik periusaasoq allanngortinneqarpoq. Akuutissanut avatangiisinut navianaatilinnut atatillugu piumasaqaatit suliffeqarfinnut sakkortunerulissapput. Suliffeqarfiit annertunerusumik eqqagassaqalersitsisarnissaat naatsorsuutigineqarmat, eqqakkat sumut qanorlu tunniunneqartarnissaannut aamma allanik piumasaqaatitaqarpoq.

Tamatuma saniatigut Eqqakkat pillugit nalunaarusiami eqqakkat immikkoortunut assigiinngitsunut immikkoortiterneqartarnissaannut kaammattuuteqarpoq, tamannalu eqqagassaqalersitsisup immikkoortiterineranut annertunerusumik piumasaqaatitaqalerluni. Aammali eqqakkat immikkoortunut arlalinnut iginneqartarnissaanut kommunimut periarfissiilluni. Nalunaarummi immikkoortiterinissamut piumasaqaatit saniatigut annertunerusumik piumasaqaateqartoqannginnissaanut allaffeqarfik innersuussivoq. Illuatungaaticullu immikkoortiterinissamut maannakkut piumasaqaataasut anguneqarnissaat ukkatarineqassasoq. ESANI-p ikuallaaviani eqqakkat kukkusumik immikkoortiterneqartartut siunissami tigujumaneqartannginnissaat naatsorsuutigineqarpoq.

Eqqakkanut maleruagassani eqqakkat immikkoortiterneqartarnissaat tulliuttutigut agguataarneqarput:

Inunnit ataasiakkaanut eqqakkanut maleruagassaq	Suliffeqarfinit eqqakkanut maleruagassaq
--	---

Imassat aamma sakkut	Imassat aamma sakkut
Eqqakkat uumasuneersut	Eqqakkat uumasuneersut
-	Eqqakkat Asbestitalit
Betonngi aamma qarmakkat	Betonngi aamma qarmakkat
Sanaartornermi atortut (qalissiat, gips, oqorsaait)	Sanaartornermi atortut (qalissiat, gips, oqorsaait)
Eqqakkat toqqortarineqarsinnaasut akuleriit (marriat, marraat il.il.)	Eqqakkat toqqortarineqarsinnaasut akuleriit (marriat, marraat il.il.)
Eqqagassat ikuallassinnaasut	Eqqagassat ikuallassinnaasut
Illunit eqqakkat	Illunit eqqakkanut assingusut
Toqqaannartumik atoqqiineq	Toqqaannartumik atoqqiineq
Assakaasut	Assakaasut
Eqqakkat navianartut annikinnerusut	-
Eqqakkat navianartut - annertunerusut	Eqqakkat navianartut
Issoq mingutsinneqarsimasoq	Issoq mingutsinneqarsimasoq
Igalaamernginik puukut (puiaasat)	Igalaaminikut
Savimerngit saffiugassallu	Savimerngit saffiugassallu
Savimernginit puut (qillertuusat)	-
-	Eqqakkat PCB-mik akullit
-	Issumi PCB
-	Allunaasaq pituutarlu
Eqqakkat angisuut	Eqqakkat angisuut
Pequtit igalaamerngit annertunerusut	-
Qalorsuit, qassutit aamma ningittakkat	Qalorsuit, qassutit aamma ningittakkat
Qisuit igitat	Qisuit igitat
-	Eqqakkat aatsitassanik oqimaatsunik akullit
Imaatigut angallassissutit qamutillu motorillit nutaangilivallaarsimasut	Imaatigut angallassissutit qamutillu motorillit nutaangilivallaarsimasut

Atuilluartuunissakkut kingunerisinnaasai

Pitsaasumik eqqakkanik passussineq ilaatigut immikkoortiterinikkut, eqqiluisaarnikkut, atoqqiinikkut aammalu eqqakkanik avatangiisinut navianaatilinnik nassiussineq atuilluarteruvoq. Eqqakkanut maleruagassat Eqqagassalerinermut pilersaarut 2024 – 2036 peqatigalugu tamatuminnga qulakkeerisuussapput.

Aningaasaqarnikkut allaffissornikkullu kingunerisinnaasai

Eqqakkat pillugit nalunaarummik kommunit malinninnissinnaaneranut eqqagassaqaalersitsisoq maleruagassatigut immikkoortiterinissamut annertunerusumik piunasaqaatitaqarpoq. Tamanna tigooraavimmik pilersitsinissamut ingerlatsinissamullu kiisalu illoqarfiup iluani immikkoortitanut containerinik amerlanerusunik inissiinissamut annertunerusumik aningaasartuuteqalernissamik pisariaqartitsissaaq. t siunnersuummi, eqqakkanik maleruagassat nutaat malitsinnerinut aningaasartuuteqarnerulertoqassappat, Eqqagassalerinermut pilersaarut 2024 – 2036-mi saqqummiunneqassapput. Eqqagassalerinermut pilersaarut 2024-2036, 2024-ip ingerlanerani saqqummiunneqarnissaa naatsorsuutigineqarpoq.

Eqqakkanik immikkoortiterisarnerup pitsanngorsarnissaanut eqqakkanut maleruagassat tunngaviupput, eqqakkanillu immikkoortunik annertunerusumik tuniniaanermi annertunerusumik isertitaqalernerulernissamik periarfissiissalluni. Tamatuma saniatigut

eqqakkat sinneruttut annikillineratigut aammalu nassiussisarnermut aningaasartuutit appartinneratigut eqqagassalerinerneq aningaasartuutit annikillisinneqarsinnaapput.

Allaffeqarfiup naliliinera

Namminersorlutik Oqartussat eqqagassalerinerneq piimasaqaataannik Qeqqata Kommunia naammassinninnissaanut aammalu eqqakkanut ikuallatassanut atatillugu nuna tamakkerlugu eqqagassalerisarneq ESANI-mit tiguneqarnissaannut kommuni eqqagassaqaalersitsisullu piareersimanissaannut eqqakkat pillugit maleruagassat nutaat qulakkeerinnissapput. Taamatuttaarlu kommuni eqqakkanik immikkoortiterinerneq pitsanngorsaaqataassalluni.

Eqqakkat pillugit maleruagassanut siunnersuutit 2023-mi septembarimi Avatangiisit pillugit Naalakkersuisoqarfimmut oqaaseqaateqarfiginissaannut nassiunneqarnikuupput. Maleruagassat kommunalbestyrelsimit akuersissutigineqariapata, illup avataanut sapaatit akunnerini sisamani tusarniaassutigineqassapput, tamatumalu kingorna Namminersorlutik Oqartussanut inatsisitigut malinninnerinik misissugassanngortinneqassapput. Naggataatigut eqqakkat pillugit maleruagassat kommunalbestyrelsimit inaarutaasumik akuersisassanngorlugit saqummiunneqassapput.

Innersuussut

Teknikkeqarnermut Avatangiisinullu immikkoortortaqaarfiup Teknikkeqarnermut ataatsimiititaliamut, aningaasaqarnermut ataatsimiititaliamut kommunalbestyrelsimullu innersuussutigaa:

Suliffeqarfinit eqqakkat pillugit maleruagassatut aammalu inunnit ataasiakkaanit eqqakkat pillugit maleruagassatut siunnersuutit akuersissutigineqassatut aammalu illup avataanut sapaatit akunnerini sisamani tusarniaassutigineqassatut.

Aalajangiineq

Innersuussut akuersissutigineqarpoq.

Ilanngussaq

1. Inunnit ataasiakkaanit eqqakkanut Qeqqata Kommuniani maleruagassaa
2. Suliffeqarfinit eqqakkanut Qeqqata Kommuniani maleruagassaa ilanngussanik

Imm. 4.2 Oqaluuserisassatut siunnersuut – Sisimiuni aamma Maniitsumi ilisisoqartillugu angallasserup nalimmassarnissaa

Journalnr. 22.06

Tunuliaqutaq

Aqqalu Skifte, Teknikkimut Avatangiisinullu Ataatsimiititaliami ilaasortaq 2024-mi januaarip ulluisa 16-ianni oqaluuserisassatut siunnersuummik nassiussivoq (ilanngussaq 1), tassanilu kissaatigalugu ilisinermi iliveqarfiup tungaanut bussinik angallassisarnissamut periarfissat eqqartorneqassasut. Maniitsumittaaq ilisiartortut Aqqulluk nalleraangassuk biilit tunulerialaattartut qanoq iliuuseqarfigineqarsinnaanersut eqqartorneqassasoq kissaatigalugu.

Maleruagassatigut tunngavissaq

Inunngortunik toqusunillu nalunaaruteqartarnek, ilisinerit iliveqarfiillu pillugit Inatsisartut inatsisaat 6. juni 2016-imeersoq

Kalaallit Nunaannut angallannermut inatsimmik nalunaarut 26. oktober 2009-meersoq
Politiit inuiaqatigiinni tamat torersumiinnerannik isumannaarinerat pillugu Kalaallit Nunaannut nalunaarut nr. 1562 19. december 2022-meersoq.

Qeqqata Kommunianut akigitat, 2024 – matumani bussinik attartortarnerit ilanngullugit

Pissutsit atuuttut

Sisimiuni iliveqarfik atuuttoq ulikkaarpoq kiisalu arlalinnik inniminnikkanik inissaqarluni. Akiani iliveqarfik nutaaq 2024-mi februaarip ulluisa 18-ianni ilagiit sinniisaannit tangeqartinneqarpoq, tamannalu atorineqarsinnaaleroq. Sisimiuni oqaluffimmiit Akiani iliveqarfimmut 3 km missaannik ungasissuseqarpoq, Sisimiunilu iliveqarfittaamut aqqut ataasiinnaavoq, tassa ikaartarfikkoorluni. Sisimiuni ilisaasartut ukiumut 50-60-it missaannik amerlassuseqartarput.

Oqaluuserisassanngortitamit allaaserineqartutut, Maniitsumi ilisiartortoqartillugu Aqqullummiit biilit tunulerialaatersarput. Iliveqarfiup tungaanut Aqqullummiit allakkut aqquteqanngilaq, taamaattumik angallattut allatigut ingerlaarnissaminnut periarfissaqanngillat.

Allaffeqarfimmit erseqqissaatigineqarpoq angallannerup nalimmassarneqarnissaa politiit suliassarigaat.

Atuilluartaunissakkut kingunerisinnaasai

Soqanngilaq

Aningaasaqarnikkut allaffissornikkullu kingunerisinnaasai

Iliveqarfiup tungaanut ingerlaarneq bussinut ilaagaanni 1 tiimip missaanni sivilissuseqarpoq. Bussiaqqat nutaat 1,5 mio. koruuninik akeqarput.

Akiani iliveqarfimmut angallassineq, bussinik 1 tiimimik atuiffiusarpoq, akunnerullu naanerani 4 tiiminik naleqarsinnaalluni aquttut tapii ilanngunneqassappata. Budgetsimi akianut akeqanngitsumik bussiuussisarneq ilaariinngimmat, aningaasaqarnikkut sunniuteqarsinnaavoq.

Allaffeqarfiup naliliinera

Sisimiuni ilisisoqartillugu oqaluffimmiit Akianut bussinik angallassisarnissamut neqeroorut ajunngivissumik ingerlanneqarpoq, Maniitsumittaaq tamanna neqeroorutigineqarsinnaavoq.

2024-p ingerlanerani bussinik angallassisarneq aningaasaqarnikkut qanoq kinguneqartitsissanersooq allaffeqarfimmit naliliiffigineqassaaq.

Allaffeqarfimmit siunnersuutigineqarpoq bussiaqqanik pisinissaq missingersuutitut kissaatitut nassiunneqassasoq aamma 2025-mut missingersuutitut ilanngunneqarnissaa isumaliutigineqassasoq.
2025-mut missingersuutitut ilanngunneqarnissaa isumaliutigineqassasoq.

Innersuussut

Teknikkeqarnermut Avatangiisinullu immikkoortortaqaqfiup Teknikkeqarnermut ataatsimiititaliamut innersuussutigaa.

Suliaq eqqartorneqassasoq.

Aalajangiineq

Teknikkimi ataatsimiisitaliap innersuuppaa ilagiit tusarniaaffigineqarnissaat, tullissaanilu ataatsimiinnermi eqqartoqqissallugu.

Ilanngussaq

1. Oqaluuserisassatut siunnersuut